



Republika e Kosovës

Republika Kosovo / Republic of Kosovo

Kuvendi i Komunës Rahovec

Opština Skupština Rahovac / Municipality of Rahovec

RAHOVEC / ORAHOVAC

Njësia Nr./Br./No 01 (Kuvendi i Komunës)

Nr./Br./No 1/63 Nr. i faq/Br.str./No.pg 9

Data/Datum/Date 30.04.2020

PROCESVERBAL

Nga mbledhja e rregullt e Kuvendit Komunal të Rahovecit, e mbajtur më 30.03.2020, me fillim në ora 10:00. Mbledhjen e kryesoi: Kryesuesi i Kuvendit z. Afrim Dina. Konstatohet se kuorum, për mbajtjen e mbledhjes kemi:

Kryesuesi – Fillimisht më lejoni t'iu përshëndes, i nderuar Kryetar i Komunës z. Smajl Latifi, nënkryetar i Komunës z. Fatmir Iska, të nderuar kuvendarë, drejtor të drejtorive komunale, përfaqësues të mediave dhe ju gjithë të pranishëm!

Të nderuar kuvendarë, kërkoj falje për pjesën tjetër të materialit fizik që s'kemi mundur me ju dërgua për shkak të numrit të reduktuar që kemi në administratë dhe rrethanave që jemi nga virusi Covid-19.

Për këtë mbledhje sot propozojmë këtë :

REND DITE

1. Shqyrtimi dhe aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi dhe aprovimi i Planit lokal për veprim në mjedis për vitin 2019-2024,
4. Shqyrtimi dhe aprovimi i Planit komunal të veprimit për eficiencë për vitin 2019-2020,
5. Shqyrtimi dhe aprovimi i Propozim vendimit të Kryetarit të Komunës për shpallje të interesit të përgjithshëm parcela Nr.P-71510068-01713-5 në zonën kadastrale në Ratkoc,
6. Shqyrtimi dhe aprovimi i propozim vendimit të Kryetarit të Komunës për dhënien në shfrytëzim afatgjatë të pronës publike komunale në fshatin Radostë,
7. Shqyrtimi i raportit të menaxhimit të asetëve komunale për vitin 2019,
8. Shqyrtimi i informatës së listës së pronave komunale dhe menaxhimi i tyre
9. Shqyrtimi dhe aprovimi i vendimit për ndarje të mjeteve financiare,
10. Shqyrtimi i propozim vendimit për dalje në ndihmë bizneseve të komunës së Rahovecit.

Kryesuesi – Të nderuar kuvendarë, ky është rendi i ditës për sot mirëpo kemi edhe një pikë shtesë të propozuar nga Kryetari i Komunës i cili i propozon Kuvendit të Komunës së Rahovecit që të ndajë mjete me shumën prej 10.000 euro, për shkak të gjendjes e cila ka kapluar vendin tonë nga epidemia Corona virus. Pra këto mjete do të përdoren për rast nevojë për dalje nga kjo epidemi. A pajtoheni edhe ju që ta kemi edhe këtë pikë shtesë!

Rasim Fazliu – Faleminderit kryesues, përshëndetje për ju, kryetarin, nënkryetarin, anëtarët e Kuvendit Komunal, drejtorat e drejtorive dhe gjithë të pranishmit në sallë. Sa i përket kësaj pike, unë veç deshta të them diçka se ne qysh në fillim të muajit mars, jemi futur në këtë gjendje nga Korona virusi dhe do të ishte mirë sigurisht që edhe më herët pra në mbledhje të KPF-së të parashihen këto mjete, për shkak se veç ishim në këtë situatë mirëpo si do qoftë ne grupi i PDK-së do ta mbështesim këtë pikë që të futet në rendin e ditës, për shkak se jemi në një gjendje pothuajse të jashtëzakonshme pra e mbështesim që edhe kjo pikë të futet në rendin e ditës. Faleminderit!

Fehmi Hoxha – I nderuari kryetar, nënkryetar, kryesues, të nderuar kolegë kuvendarë, drejtorë të drejtorive, media dhe ju të pranishëm në sallë. Para se të miratojmë rendin e ditës, unë në cilësinë e kuvendarit duke u bazuar në rregulloren e kuvendit komunal po e propozoj edhe një pikë shtesë të rendit të ditës. Duke marrë parasysh situatën e krijuar në rrethana që jemi tani të pandemisë Korona virusi Covid-19 dhe duke ditur që një pjesë e madhe e bizneseve të vogla të Komunës së Rahovecit për shkak të vendimeve të qeverisë së Republikës së Kosovës për mbyllje të veprimtarisë që është shumë normale të shumicës së bizneseve edhe bizneset e Komunës së Rahovecit si të gjithë të tjerët po pësojnë në aspektin ekonomik. Prandaj pasi që është në vendimarrjen tonë pra të kuvendit komunal të Rahovecit, unë i kam disa propozime për një pikë shtesë të rendit të ditës: Të lirohen nga qiraja të gjitha bizneset që janë duke shfrytëzuar objektet e Komunës për 3 muaj duke filluar nga muaji mars e deri në fund të muajit maj, të lirohen nga taksat komunale të gjitha bizneset që operojnë në komunën e Rahovecit për 3 muaj pra mars-prill- maj 2020 ata të cilët janë të ngarkuar në bazë të rregullores komunale aktuale si dhe mundësisht të subvencionohen të gjithë zejtarët, rrobaqepësit, frizeret, qebaporet, kafiteritë si dhe bizneset tjera të vogla që do të kenë shumë vështirë t'i vazhdojnë aktivitetet pas kësaj situatë. Prandaj unë ju ftoj që të më mbështetni dhe pika shtesë të jetë lehtësim i përmbushjes së obligimeve të bizneseve të vogla ndaj Komunës së Rahovecit si dhe subvencionimi për biznese të vogla që operojnë në komunën e Rahovecit. E dimë që edhe bizneset e mëdha kanë nevoja shume të mëdha mirëpo buxheti jonë është i kufizuar, duke u bazuar në ligjin mbi menaxhimin e financave publike, kuvendi komunal i Rahovecit ka të drejtë lëvizje buxhetore deri në 15%. Prandaj unë propozoj që është shumë me rëndësi të dalim nga kjo krizë edhe të gjithë se bashku t'i ndihmojmë aq sa mundemi përpos shëndetit publik të qytetareve të komunës së Rahovecit edhe kapak me i subvencionua bizneset të cilët rrezikojnë në të ardhmen që të mbyllen të gjitha. Këtë po e them që të marrim një vendim deri në 15% që duhet një kohë që me përgatitë drejtori i drejtorisë për financa dhe buxhete edhe t'i japim mundësi kryetarit që atë shumë deri në 15% të autorizojmë që dhe ai të veprojë në bazë të situatës në të cilën jemi, prandaj propozoj edhe këtë pikë shtesë që e lexova më herët. Kërkoj që ta mbështetni sepse është në interesin e qytetareve, më pak tani na duhet investimet kapitale se sa që na duhet të kalojmë këtë gjendjen e jashtëzakonshme edhe pse nuk është e shpallur por është emergjente. Faleminderit shumë për mirëkuptimin tuaj!

Kryetari – Përshëndetje shumë për të gjithë kuvendarët, drejtorët e drejtorive, nënkryetarin, kryesuesin, media dhe gjithë ju të pranishëm në sallë. Unë e dëgjova me vëmendje propozimin që e përmendi për pikë shtesë të rendit të ditës që bëri Fehmi Hoxha, pra ne ndoshta nuk është problem edhe mund të dakordohemi t'i lirojmë nga taksat për 3 muaj bizneset për ata që kanë taksa komunale, qiratë e të tjera mirëpo ju e dini që kemi një kodë për mbështetje të bizneseve edhe besoj që mund t'i mbështesim sivjet sikurse i kemi mbështetur edhe vitin e kaluar, ndoshta për këtë vit kostoja mund të jetë shumë e madhe në qoftë se do të futemi me i mbështetë të gjitha bizneset e vogla dhe ne e dimë që kemi mundësi me aplikua ose me marrë vendim në kuadër të buxhetit të përgjithshëm deri në 15% të kemi lëvizje por nëse do të ketë nevojë, ne prapë mund ta thirrmi një seancë të jashtëzakonshme për subvencionim të bizneseve, nuk po flasim për lirim nga taksat sepse është me vend me i lirua nga taksat. Unë jam pro asaj që të futet lirimi nga taksat, nga qiratë për 3 muaj por kjo te

subvencionimi meqenëse ne kemi kod pasi ky kuvendë ka miratuar buxhetin atëherë kisha kërkuar që me mujtë me u kursye pak, për shkak se mund të kemi probleme rreth stabilitetit financiar në Komunë sepse kërkesat mund të jenë shume të mëdha, sa e di unë qeveria e Kosovës ka një plan pra një pako e cila megjithatë mund të ju shërbej së paku këtyre që janë në sektorin privat që janë të regjistruar që mund të kenë disa benificione të cilat natyrisht edhe komunës tonë do të ja lehtësojnë barrën. Faleminderit shumë!

Kryesuesi – Faleminderit kryetar, atëherë të nderuar kolegë kuvendarë e qesim në votim rendin e ditës me pikat shtesë. Konstatoj se unanimisht aprovohet rendi i ditës me pikat shtesë. Kalojmë në pikën e parë të rendit të ditës:

1. Shqyrtimi dhe aprovimi i procesverbalit nga mbledhja e kaluar.- A ka dikush diçka rreth procesverbalit, nëse jo e qesim në votim. Konstatoj se unanimisht aprovohet pika e parë e rendit të ditës. Kalojmë në pikën e dytë të rendit të ditës:

2. Pyetjet dhe përgjigjet në pyetjet e kuvendarëve.

Sali Sallteku – Përshëndetje për kryetarin dhe gjithë të pranishmit. Unë sot kam ardhur këtu rastësisht veç kam bisedua me Fehmin sepse nuk kam pasur as email dhe as ftesë dhe s'kam ditë që kemi edhe takim pasi nuk kam pasur kurrfarë lajmërimi. Unë pajtohem për të gjitha këto procedura që i tha kryetari për shkak të gjendjes nga virusi Covid-19, mendoj se duhet të kryhen sa më shpejt që të jetë e mundur apo ndoshta ka mundur me krye edhe pa pjesëmarrjen tonë këtë, për shkak të situatës së jashtëzakonshme. Faleminderit!

Kryetari – Faleminderit shume, kisha dashtë me na kursye në pikën e dytë të rendit të ditës, e drejta juaj e pacenueshme dhe e patjetërsueshme është me bo pyetje dhe me ngritë shqetësime por edhe nëse keni, unë kisha propozua që në seancën tjetër me ju dhanë përgjigje me shkrim por sidoqoftë ndoshta ju keni nevojë me dhanë ndonjë informacion për sa i takon gjendjes momentale në komunën e Rahovecit që është fat i mirë që jemi gjithë me shëndete edhe kryetari i komunës edhe asamblistët edhe qytetaret e komunës, mos fiksoheni që mund të ketë zgjedhje komunale po besoj që as zgjedhje të përgjithshme nuk do të ketë shpejt ndoshta të shohim për me vonë, deri me tani nuk kemi asnjë rast të dyshuar në komunën tonë, ne kemi krijuar një shtab të posaçëm emergjent, ju njoftoj se asnjë shpenzim serioz nuk e kemi bërë deri me tani, unë falënderoj gjitha bizneset, donatorët pastaj falënderoj KRU-Gjakovën, ekipet vullnetare të QKMF-së, pastaj Eko-drinia, Eko-regjioni dhe gjithë ata që kanë marr pjesë në administrimin e kësaj situate dhe krejt kjo është pa kosto financiare përjashtuar disa tableta që i ka marr QKMF-ja në vlerë 500-600 euro që u deshtë patjetër për dezinfektim. Ju e dini që i kemi dezinfektuar të gjitha objektet komunale, objektet publike, stacionin e autobusëve, stacionin e policisë, objektin e gjykatës, objekte fetare, hapësirat e rëndësishme publike, rrugët dhe rrugicat dhe falë donacioneve që na ka dhënë KRU-Gjakova që e falënderoj publikisht. Po ashtu shfrytëzoj rastin t'i falënderoj të gjithë mjekët, infermieret, punëtorët teknik të Qendrës Kryesore të Mjekësisë Familjare edhe të gjitha QMF-të e AMF-të që kanë vepruar me seriozitetin ma të madhë sipas bindjes tonë dhe sipas asaj që ne shohim edhe deri më tani është administruar situata shume mirë. Nuk jemi shume të kënaqur me gjendjen pasi nuk kemi shume furnizime nga Ministria e Shëndetësisë sidomos me pajisje mbrojtëse pra këtë çështje e kemi ngritë edhe në nivele të asociacioneve të komunave por sido qoftë deri me tani pasi nuk kemi pasur asnjë rast të dyshuar me këto simptoma të virusit të Covid-19, po besoj që edhe këto ditë që i kemi para vetes, do të përpiqemi me i administrua sa ma mirë që është e mundshme. Po ashtu ju e dini që komuna punon me stafe të reduktuar ose të kufizuar për shkak të rrethanave, shkollat janë të mbyllura pastaj të gjithë mjekët dhe infermieret pa dallim janë në vendin e punës dhe nuk kemi lejuar me marr ndonjë pushim në këtë kohë e as pushim vjetor përveç ndonjë rasti që ka situatë që nuk e kanë gjendjen e mirë shëndetësore edhe ndoshta kemi tolerua, përndryshe Qendra Kryesore e Mjekësisë Familjare tash ka disa pajisje të cilat specifikisht mund të përdoren nëse do të kemi ndonjë situate sfiduese pra ndonjë rast të infektuar, por ne besoj që jemi të përgatitur me kapacitetet tona komunale si shtab i posaçëm emergjent me të gjithë akterët që janë të përfshirë, edhe ju në një mënyrë jeni të përfshirë përmes kryesuesit të kuvendit të komunës i cili besoj që së

paku ka ruajt kontaktet me përgjegjësit e grupeve politike këtu në Kuvend edhe besoj që këto dhjetë ditë sa kanë mbetur se paku nuk do të kemi, se paku deri me tani nuk kemi ndonjë informacion që mund të na sfidoj deri në këto momente që po flasim pasi kemi të ardhur shumë nga vendet e jashtme dhe e kemi regjistrin e të dhënave, po ashtu kemi evidentua edhe këta që kanë sëmundje kronike, besoj që do të kapërcejmë edhe këtë situatë bashkërisht edhe për këto ditë që kanë mbetur, shpresoj që edhe komuna jonë nuk do të preket nga virusi Korona. Ne nuk mund ta parashikojmë saktë këtë mirëpo më qenëse kemi shpëtuar deri me tani atëherë gjasat janë shumë të mëdha ne ta përballojmë pa asnjë rast të infektuar me virusin Covid-19. Unë duhet të ju them këto sepse kemi komunikuar në mënyra të ndryshme me publikun, përmes mediave, me organet qendrore te qeverisë, më institutin kombëtar të shëndetit publik, me ministrinë e shëndetësisë, më asociacionin e komunave por edhe me plotë njerëz të cilët kanë kontribuar në këtë drejtim. Falënderoj edhe qendrat tregtare për donacionet si Viva fresh, Superviva, QTX-në, ETC-në, M-Silloso pastaj Mullirin Burimi dhe Vetoni. Gjendja me furnizime sa i takon pakove ushqimore apo artikujve të shportës është stabile dhe edhe me miell nuk jem keq kështu që edhe gjendja e panikës që u krijua në ditët e fillimit nuk e kemi tani. Ne do t'i shpërndajmë rreth 500 pako ushqimore që do të fillojmë nga dita e sotme përmes qendrës për punë sociale, Kryqit të Kuq dhe kuptohet edhe nga njerëzit të komunës, pasi kam formuar edhe një komision që do të shpërndahet për familjet që kanë nevojë emergjente që janë dhuratë apo që i kanë ardhë komunës së Rahovecit qoftë nga shoqata Jetimët e Ballkanit apo nga qendrat e mëdha tregtare si ETC-ja, QTC-ja, Vivafresh, Superviva po ashtu edhe falënderoj edhe podrumin e vjetër edhe Stonecastle që na kanë dhuruar edhe destilatë për nevojat të parandalimit apo dezinfektimit pra 10000 litra dërstilat edhe për nevojat e Ministrisë së Shëndetësisë e institucioneve tjera shëndetësore kështu që është pae një solidaritet dhe një gatishmëri e përkushtim i të gjithëve e të gjithëve që me mundësitë e veta që i kanë pasur pra i kanë ndihmuar për përballimin me me suksese të kësaj gjendje ose administrimin ma të mirë të kësaj gjendje. Edhe njëherë i falënderoj edhe anëtarët e kuvendit të komunës që realisht është gjendje e jashtëzakonshme edhe pse formalisht nuk është e shpallur, kufizimet janë duke i respektuar njerëzit në masë të madhe po ashtu edhe kufizimin e lëvizjes që fillon prej orës 17:00 janë duke e respektuar në masë të madhe, inspektorët e komunës së Rahovecit e kanë kryer një punë të jashtëzakonshme pra është fat i mirë që nuk kanë pasur rezistencë fare. Pra qytetarët tanë e kanë kuptuar mirë se çfarë kërcënimi mund të na vjen nëse nuk e respektojmë masat, rekomandimet, udhëzimet e përcaktuara nga OBSH-ja, Instituti Kombëtar i Shëndetit Publik, Ministria e Shëndetësisë por edhe nga profesionistët shëndetësor. Unë i falënderoj që të gjithë edhe Kuvendin e Komunës edhe donatorët edhe bizneset pastaj ekipet komunale e parasë gjithashtu stafin shëndetësor të komunës së Rahovecit që vërtet është për tu befasuar se sa janë të gatshëm dhe të përkushtuar për me krye punën. Ju e dini që e kemi edhe një ekip në Vermicë që janë më shumë se një muaj, sipas orarit të përcaktuar nga Instituti Kombëtar i Shëndetit Publik dhe po ashtu e kemi tash edhe orarin e kujdestarisë së barnatoreve që për fat të keq nuk jemi të kënaqur që Ministria e Shëndetësisë e përcakton një barnatore kujdestare e që unë mendoj që duhet me na dëgjua edhe neve për shkak se ka nevojë për një barnatore kujdestare me qenë në qytete çdo ditë për natën e kam fjalën edhe se paku në Xërxe, Krushë, Ratkoc ka një barnatore, për shkak se ne mund të përballemi me ndonjë situatë që ndoshta ska nevojë me u krijuar që të bëjë gjithë atë rrugë dikush për me ardh me i marr shërbimet në barnatoret tona. Faleminderit të gjithëve, unë kaq kisha sa për me tejkalua me mirëkuptim piken e dytë të rendit të ditës.

Kryesuesi - Faleminderit shumë kryetar për të gjitha këto informacione, atëherë të nderuar kuvendarë, meqë nuk kemi tjerë të lajmëruar për pikën e dytë të rendit të ditës, kalojmë në pikën e tretë të rendit të ditës:

3. Shqyrtimi dhe aprovimi i planit lokal për veprim në Mjedisë për vitin 2019-2024.

Bjondina Rama – Përshëndetje për kryetarin e komunës, kryesuesin, asambleistët dhe gjithë ju që jeni prezentë në sallë. Sa i përket planit lokal të veprimit në mjedis, e kemi raportin përfundimtar nga eksperti që është punuar nga Ekoliria. Zbatimi i këtij plani të veprimit në mjedis është angazhuar nga Ekoliria dhe ka

filluar menjëherë pas nënshkrimit të kontratës pasi është bërë një plan dinamik i aktiviteteve dhe ka filluar zbatimin i njëjti në terrene, duke filluar hulumtimin dhe shqyrtimin e të gjitha dokumenteve zyrtare, raporteve, burimeve të shkruara lidhur me mjedisin, në baze të vendimit të kryetarit të komunës, me datë 23.08.2019 është emëruar grupi punues për zbatimin e projektit. Pas emërimit të grupit punues me nismën e këtij projekti është organizuar takimi i parë me anëtarët e grupit punues, është bërë lansimi i projektit, është prezantuar metodologjia e hartimit nga ekipi i projektit. Pastaj ka vazhduar me hulumtime, shqyrtime të dokumenteve strategjike, raporteve të legjislationit, fushave e vizitave në terrene, grumbullim të informacioneve relevante për projektin. Unë mendoj që plani lokal i veprimit në mjedis është një plan që shumë kohë ju ka nevojite komunës tonë ku janë shënuar të gjitha procedurat, takimet dhe informimet që janë marrë me këtë projekte duke marrë parasysh shqyrtimet relevante që i kemi prezentë në komunën tonë. Të dhënat e grumbulluara në fazën e parë nga vizita në terrene dhe palët e interesit kanë bërë vlerësimin e gjendjes së mjedisit. Të dhënat e siguruar për të gjitha fushat veç e veç dhe vlerësimi i gjendjes ka mundësuar që të jetë sa me konkrete edhe sa me reale sa i përket të gjitha të dhënave. Në këtë planë janë shënuar gjitha gjërat sa me reale dhe që ne mund të i kryejmë për këto vite që është i planifikuar pastaj bashkëpunim me datën 20.02.2020 në sallën e kuvendit komunal që u mbajte debati publik ku ka pasur një pjesë e qytetareve dhe kanë mundur me i shpreh vërejtjet edhe sugjerimet çdo qytetar ose biznes apo ekonomi duke i dërguar, ku më pastaj është dërguar në asamble komunale edhe e kemi mbajtur në komitet për politikë dhe financa ku ka kaluar si pikë. Unë mendoj që është një plan kompleks dhe është gjithçka duke shkuar në bazë të ligjit për mjedis ku e kemi obligim ligjor që del prej ligjit për mbrojtje të mjedisit nga neni 15 ku janë shënuar të gjitha pjesët ku mundem me cekë përshkrimin e aktiviteteve siç i kemi d.m.th. janë detyrimet ligjore, popullsia, klima, struktura demografike, migrimet e popullsisë d.m.th. këto shënohen vetëm në pika të shkurta shënohen njëfarë pasqyre por me rendësi është analiza e gjendjes ekzistuese mjedisore siç e kemi monitorimin e cilësisë së ajrit, vlerësimin e shkaqeve dhe kërcënimit, burimet kryesore të ndotjes, ujërat sipërfaqësor dhe nëntokësor, rrjeti i kanalizimit, biodiversiteti, vlerësuset pyjore, ekosistemi pyjor, degradimi, menaxhimin e mbeturinave, prodhimi dhe përbërja e mbeturinave, ndriqimi publik, ndotja akustike e ajrit apo zhurma, planifikimi urban, vendbanimet joformale dhe janë vlerësimi i problemeve prioritare sipas fushës dhe ne fund është listë e projekteve prioritare që mendohet në bashkëpunim me komunën dhe me donatore që mund t'i gjejmë, sa i përket aspektit mjedisor që të përfundohen për vitin 2019-2024. Faleminderit!

Rasim Fazliu – Ne e kemi shqyrtuar edhe ne KPF këtë pikë dhe fillimisht e përshëndes koordinatoren Bjondina Rama për prezantimin dinjitoz të kësaj pike të rendit të ditës edhe mendoj që ky plan lokal i veprimit për mjedis është mjaft voluminoz edhe ngërthen në vetvete shumë çështje dhe pika që janë për këtë temë që janë në planin e veprimit në komunën e Rahovecit kështu që mendoj që është mjaft i kompletuar ky material edhe aq me tepër është plotësuar në mbledhjen e KPF-së edhe i keni marr parasysh ato vërejtje kështu që mbetet vetëm me falënderuar edhe vazhdojmë me tutje. Faleminderit!

Fehmi Cena – Përshëndetje për ju, për kryetarin, nënkryetarin, kolegë këshilltarë, drejtorët dhe gjithë të pranishmit në këtë sallë. Kur jemi te plani lokal i veprimit në mjedis për vitin 2019-2024 që është një periudhë afatmesme 5-vjeqare, mendoj që tani e tutje Komuna e ka një plan të tillë, ne kemi lexuar planin me kujdes që është një plan voluminoz, i qartë dhe megjithatë unë kisha me përshëndet grupin punues që ka punuar në këtë plan dhe gjithashtu organizatën Ekoliria. Mendoj se është punuar në mënyrë profesionale dhe është gjithëpërfshirës dhe sigurisht se do të shërbej si një udhërrëfyes edhe më tutje për punën e komunës në adresimin edhe zgjidhjen e atyre problemeve që e karakterizojnë ambientin tonë që sigurisht që duhet me i dhanë rëndësi sepse ambienti uji, ajri dhe toka është pjesë e jetës tonë dhe ja vlejnë me investuar, që sa më i mirë ambienti dhe sa më i pastër ndikon drejtpërdrejtë edhe në cilësinë e jetës por edhe në mënyrë indirekte në zhvillimin ekonomik të komunës. Janë të përfshira ato tri shtylla në bazë të secilës është i formuar ky plan pra

është analiza e gjendjes mjedisore që mendoj se është bërë një analizë e mirë ku janë të përfshira të gjitha këto fushat si ajri, uji toka, biodiversiteti dhe është një vlerësim që ambienti i ynë është në gjendje mjaftë të keqe për shkak të ndotjes. Mendoj se është një vlerësim shumë real. Tek shtylla e dytë, lista e problemeve mjedisore që ka të bëjë më tepër me identifikimin e problemeve që ndotin ambientin, mendoj që megjithatë është punuar mirë, janë identifikuar të gjitha problemet që është përfshirë ajri, ndotja e ajrit, ndotësit e ajrit dhe gjithashtu ndotja e ujërave sipërfaqësore dhe nëntokësore po ashtu tek ajri është cekë se mungojnë pikat monitoruese të cilësisë së ajrit. Ne dimë se kemi ndotje të ajrit, janë indikatorët që e ndotin edhe ajrin e komunës tonë, tash ne kur flasim shpesh në nivel Kosovë pasi jemi pjesë e rrafshit të Dukagjinit që megjithatë kemi edhe diçka më të pasur se sa rrafshi i Kosovës që e dimë edhe arsyen por megjithatë ka faktor që e rrezikojnë edhe ajrin në komunën tonë, prandaj duhet të orientohet komuna edhe në këtë drejtim që të mbrojë edhe ndotjen e ajrit, nuk dua të futem në hollësi që përmenden aty ndotësit e ajrit të cilët janë po ashtu edhe për ndotjen ujërave sipërfaqësore dhe nëntokësore edhe për atë nuk kemi çka të flasim pasi vërtet janë të ndotur shumë, që ceket aty shkarkimet e ujërave të zeza dhe industriale që janë shkaktarët kryesor të ndotjes, kjo është karakteristike për gjithë Kosovën por sigurisht edhe komuna jonë duhet të orientohet në këto drejtime të aktiviteteve të saja në mënyrë që të ketë më shumë projekte në këtë drejtim për përmirësimin e gjendjes. Po ashtu uji higjienik për pije ceket që në komunën tonë që kemi disa fshatra që nuk kanë ujin higjienik për pije për shkak se ujësjellësi i Radoniqit nuk ka qasje në këto fshatrat edhe jepet raporti 87% d.m.th. 13% e popullatës nuk kanë ujë higjienik për pije edhe në këtë drejtim duhet të ketë orientim komuna. Po ashtu edhe për kanalizim gjendja është paksa më e mirë edhe pse e dimë se duhet të punohet edhe ashtu sidomos në menaxhimin e mbeturinave komunale gjithashtu të menaxhimi i mbeturinave komunale prej kohës kur është bërë deponia në Landovicë e dimë që ka përmirësim të gjendjes sigurisht mirëpo megjithatë duhet të punohet në të ardhmen që të eliminohen të gjitha deponitë ilegale që i shohim në vende vende në periferi të qytetit që po besoj edhe nëpër fshatra që janë gjithashtu edhe burim i ndotjes edhe i ujërave edhe i tokës. Pastaj në të ardhmen duhet të punohet sigurisht edhe në selektimin dhe riciklimin e tyre ceket aty, toka degradimi gjithashtu ka mjaftë punë edhe aty, sidoqoftë mendoj se pjesa tjetër e planit të veprimit për zgjidhje mendoj se është bërë mirë sepse aty janë gjitha ato aktivitetet të përfshira që mund të përmbledhen në projekte për të punuar në këtë drejtim rreth këtij plani. Ajo çka ne kërkojmë si delegatë është që komuna tash e tutje të punoj në bazë të këtij plani, të hartoj sa më shumë projekte mbi këtë bazë, sigurisht e dimë që kostoja e tyre është e madhe mirëpo orientimi duhet të bëhet edhe për grante edhe për donacione. Faleminderit!

Kryesuesi – Faleminderit shumë z. Cena, atëherë meqë nuk kemi tjerë lajmëruar e qesim në votim pikën e tretë të rendit të ditës. Konstatohet se unanimisht aprovohet pika e tretë e rendit të ditës. Kalojmë në pikën e katërt të rendit të ditës:

4. Shqyrtimi dhe aprovimi i planit komunal të veprimit për eficiencë për vitin 2019-2020.

Përparim Krasniqi – Faleminderit kryesues, i nderuar kryetar, të nderuar anëtarë të kuvendit. Unë do të jem pak më i shkurt për shkak se plani për eficiencë të energjisë ka kaluar në të gjitha fazat e debateve publike. Unë po ju njoftoj se ky plan është mbështetur nga Ambasada Gjermane në bashkëpunim me GIZ-in dhe Agjencionin për Energji. Në kuadër të Kosovës, komuna e Rahovecit posedon afërsisht 127 objekte për shkak se plani për eficiencë është plan 3 vjeçar dhe janë të përfshira objektet institucionale, objekte shkollë janë 41, shëndetësore janë 16, administrative dhe objekte tjera janë 21, po ashtu në ndriçim publik janë afër 50 rrugë, po ashtu kemi si data bazë në kuadër të shërbimeve publike pra janë të futura të gjitha të dhënat që janë të mbledhura nga kompania që e ka hartuar këtë plan dhe unë nuk do të zgjatem më shumë për shkak se çdo kush e keni materialin para vetes edhe nëse ka dikush ndonjë pyetje, megjithëse sot ka pasur me ardhur ekspertin nga GIZ-i gjerman që të prezanton planin, por për shkak të situatës që jemi nuk kam mundur të vjen sot mirëpo kam marr përsipër që unë të dal këtu dhe të jap shpjegime për ato që i kemi si informatë. Faleminderit!

Fehmi Hoxha – Faleminderit shumë, edhe unë pajtohem me parafolësit me dy shefat e dy partive politike (PDK dhe LDK), në përgjithësi po dua të them për këto dy projektet pra planet lokale për veprim në mjedis dhe plani komunal për eficiencë janë dy dokumente shumë strategjike për komunën e Rahovecit, edhe është për çdo lavdatë pas një punë kolosale e cikla është bërë nga dy grupet pra drejtorisë për Urbanizëm dhe drejtoria për Shërbime Publike në këtë rastin e eficiencës edhe vetëm kanë përgëzime sepse kanë punuar shumë edhe kanë bërë një plan fenomenal kështu që komuna e Rahovecit në të ardhmen pasi që i ka këto dokumente strategjike mund të konkurroj në shumë grande që do të kenë qoftë nga Bashkimi Evropian apo nga ministritë e Republikës së Kosovës, kryesisht fokusi kryesor pas miratimit të dy planeve nga ana e Kuvendit Komunal dhe pas certifikimit duhet të fokusohemi tek Ministria e Integritimit Evropian si koordinatorë e projekteve të IPA-s ku janë shumë grande që mund të përfitoj komuna e Rahovecit pasi që i ka këto dy dokumente strategjike, që me herët nuk i kemi pasur dhe çdo herë kemi hasur në rezistencë edhe pse të tjera i kemi pasur mirëpo mungesa e këtyre dy dokumenteve apo planeve ka qenë mungesë për konkurrim ose marrje të fondeve, kështu që ju përgëzoj. Faleminderit!

Kryesuesi – Faleminderit shumë z. Hoxha, atëherë meqë nuk kemi tjerë të lajmëruar, e qesim në votim pikën e katërt të rendit të ditës. Konstatohet se unanimisht aprovohet pika e katërt e rendit të ditës. Kalojmë në pikën e pestë të rendit të ditës:

5. Shqyrtimi dhe aprovimi i propozim vendimit të kryetarit të Komunës për shpalljen e interesit të përgjithshëm parcela Nr.P-71510068-01713-5 në zonën kadastrale në Ratkoc.

Afrim Oruqi – Faleminderit kryesues, i nderuar kryetar, nënkryetar, drejtorë, të nderuar anëtarë të Kuvendit Komunal, para jush keni propozimin për shpalljen me interes të përgjithshëm publik të parcelës 1713-5 në zonën kadastrale në Ratkoc. Qëllimi i shpalljes së kësaj sipërfaqe në interes të përgjithshëm publik është hapja e rrugës Xerxë- Kramovik e cila do t'i shërbejë qytetarëve për lëvizjen e lirë. Kjo parcelë është pronësi të dy bashkëpronarëve Binak Arif Hoti dhe Ali Jonuz Hoti, sipërfaqe e parcelës për shpallje me interes të përgjithshëm është 5.9 m2. Ftoj kuvendarët që pas shqyrtimit të miratojnë propozim vendimin për interes të përgjithshëm. Faleminderit!

Kryesuesi – Faleminderit shumë drejtor, atëherë meqë nuk kemi tjerë të lajmëruar, e qesim në votim. Konstatohet se unanimisht aprovohet edhe pika e pestë e rendit të ditës. Kalojmë në pikën e gjashtë të rendit të ditës:

6. Shqyrtimi dhe aprovimi i propozim vendimit të Kryetarit të Komunës për dhënien në shfrytëzim afatgjatë të pronës publike komunale në fshatin Radostë

Afrim Oruqi – Bëhet fjalë për zonën kadastrale në Radostë. Qëllimi i këtij propozimi është që t'i jepet një sipërfaqe prej 7.69m2 prej pjesës së përgjithshme të parcelës me Nr. 1043, e cila është e evidentuar në emër të pronës shtetërore të Kosovës pra është një sipërfaqe e madhe dhe ne po kërkojmë prej juve që pas vendimit të Kuvendit Komunal të ndajmë këtë parcelë dhe ta kufizojmë në 7.69m2. Qëllimi i dhënies në shfrytëzim të pronës së paluajtshme është cekur në pikën 1, ku planifikohet të ndërtohet një objekt i cili do të jetë në shërbim ose në shfrytëzim të përgjithshëm ose në interes të përgjithshëm të komunitetit të fshatit Radostë pra qëllimi i kësaj është që në mënyrë tradicionale dhe kulturore me rastin e zhvillimeve të aktiviteteve të ndryshme në fshat. Afati kohor për dhënien në shfrytëzim të kësaj parcele, kryesisht së fshatit Radostë është për 99 vite. Për të gjitha të drejtat dhe obligimet më tutje pas nxjerrjes së vendimit do të kujdeset Drejtoria për Gjeodezi Kadastër dhe Pronë. Ftoj kuvendarët që pas shqyrtimit të votojnë propozim vendimin që të ndahet kjo parcelë për shfrytëzim të Këshillit të fshatit Radostë. Faleminderit!

Kryesuesi – Faleminderit drejtor, atëherë nëse nuk ka dikush diçka rreth kësaj pike, e qesim në votim. Konstatohet se unanimisht aprovohet edhe pika e gjashtë e rendit të ditës. Kalojmë në pikën e shtatë të rendit të ditës:

7. Shqyrtimi i raportit të menaxhimit të aseteve komunale për vitin 2019.

Artan Asllani – Faleminderit kryesues, përshëndetje për të gjithë. Gjatë vitit 2019 me propozim të Drejtorisë për Ekonomi Zhvillim dhe Turizëm drejtuar kryetarit të Komunës z. Smajl Latifi janë formuar 5 komisione në lidhje me regjistrimin, vlerësimin, tjetërsimin dhe asgjësimin e tokave të paluajtshme. Të gjitha komisionet e kanë kryer punën e vet në afate kohorë ndërsa gjatë vitit 2019 është bërë edhe regjistrimi 1127 pronave të Komunës së Rahovecit ndërsa shkurtimisht është raporti që janë 3 tabela që janë të përshkruara detyrat dhe punët që janë kryer gjatë vitit 2019. Në tabelën e parë janë regjistrimi mbi vlerën 1000 euro, në të dytën më pak se 1000 euro dhe regjistrimi i tokave. Ndërsa në tabelën e dytë janë të paraqitur përshkrimi dhe artikujt vlera deri më datën 31.12.2019.

Kryesuesi – Kalojmë në pikën e radhës të rendit të ditës.

8. Shqyrtimi i informatës të listës së pronave komunale dhe menaxhimi i tyre.

Afrim Oruqi – Përshëndetje për të gjithë të pranishmit, të nderuar para juve e keni informatën për pronat komunale si dhe menaxhimi i tyre, të gjitha pronat komunale i keni të paraqitura në informatë në mënyrë tabelare, ki shihet se cilat janë sipërfaqet e tyre, qoftë objekte shkollore, çerdhe, objekte kulturore, palestra sportive, QKMF-të dhe objektet e tjera komunale. Për më shumë rreth kësaj informate nëse keni ndonjë pyetje jam këtu për të ju përgjigjur.

Kryesuesi – Ju faleminderit drejtor për prezantimin e kësaj pike, nëse nuk ka askush tjetër që ta mer fjalën, kalojmë në pikën e radhës të rendit të ditës.

9. Shqyrtimi i Propozim vendimit për ndarje të mjeteve financiare.

Të nderuar arsyetimin e kësaj pika dhamë në fillim të mbledhjes, nëse keni diçka të shtoni sa përket kësaj pike urdhëroni, nëse jo e qes në votim pikën e nëntë të rendit të ditës: Konstatohet se pika e dhjetë e rendit të ditës është aprovuar në mënyrë unanime. Kalojmë në pikën e radhës:

10. Shqyrtimi i Propozim vendimit dale në ndihmë bizneseve të komunës së Rahovecit.

Fehmi Hoxha - I nderuari kryetar, nënkryetar, kryesues, të nderuar kolegë kuvendarë, drejtorë të drejtorive, media dhe ju të pranishëm në sallë, pasi që si pikë shtesë e rendit të ditës është aprovuar propozimi imë me lejoni që të prezantoj propozimin tim: Duke marrë parasysh situatën e krijuar në rrethana që jemi tani të pandemisë Korona virusi Covid-19 dhe duke ditur që një pjesë e madhe e bizneseve të vogla të Komunës së Rahovecit për shkak të vendimeve të qeverisë së Republikës së Kosovës për mbyllje të veprimtarisë që është shumë normale të shumicës së bizneseve edhe bizneset e Komunës së Rahovecit si të gjithë të tjerët po pësojnë në aspektin ekonomik, të lirohen nga qiraja të gjitha bizneset që janë duke shfrytëzuar objektet e Komunës për 3 muaj duke filluar nga muaji mars e deri në fund të muajit maj, të lirohen nga taksat komunale të gjitha bizneset që operojnë në komunën e Rahovecit për 3 muaj pra mars-prill- maj 2020 ata të cilët janë të ngarkuar në bazë të rregullores komunale aktuale si dhe mundësisht të subvencionohen të gjithë zejtarët, rrobaqepësit, frizeret, qebaporet, kafiteritë si dhe bizneset tjera të vogla që do të kenë shumë vështirë t'i vazhdojnë aktivitetet pas kësaj sate. Prandaj unë ju ftoj që të më mbështetni dhe pika shtesë të jetë lehtësim i përmbushjes së obligimeve të bizneseve të vogla ndaj Komunës së Rahovecit si dhe subvencionimi për biznese të vogla që operojnë në komunën e Rahovecit. E dimë që edhe bizneset e mëdha kanë nevojë shumë të mëdha mirëpo buxheti jonë është i kufizuar, duke u bazuar në ligjin mbi menaxhimin e financave publike, kuvendi komunal i Rahovecit ka të drejtë lëvizje buxhetore deri në 15%. Prandaj unë propozoj që është shumë me rëndësi të dalim nga kjo krizë edhe të gjithë se bashku t'i ndihmojmë aq sa mundemi përpos shëndetit publik të qytetareve të komunës së Rahovecit edhe kapak me i subvencionua bizneset të cilët rrezikojnë në të ardhmen që të mbyllen të gjitha. Këtë po e them që të marrim një vendim deri në 15% që duhet një kohë që me përgatitë drejtori i drejtorisë për financa dhe buxhete edhe t'i japim mundësi kryetarit që atë shumë deri në 15% të autorizojmë që dhe ai të veprojë në bazë të situatës në të cilën jemi, prandaj propozoj edhe këtë pikë shtesë që e lexova më herët. Kërkoj që ta mbështetni sepse është në interesin e qytetareve, më pak tani na duhet investimet kapitale se sa që na duhet të kalojmë këtë gjendjen e

jashtëzakonshme edhe pse nuk është e shpallur por është emergjente. Shpresoj se këto propozimet e mija do të gjejnë përkrahje nga ana e juaj dhe do të votohen.

Kryetari – I nderuari kuvendar z. Fehmi Hoxha, ju falënderojmë për këto propozime, sa i përket propozimit të pikës së tretë për subvencionim me mjete financiare bizneset e vogla,, ne si komunë për momentin do të shikojmë se çka do të bëjë Qeveria e Republikës së Kosovës, sepse ajo i ka ndarë disa mjete për këto biznese. Kurse sa i përket dy pikave tjera që i propozuat ju jam pro këtyre pikave.

Rasim Fazliu – Po ashtu edhe ne jemi pro pikave të propozuara nga anëtari i ynë z. Fehmi Hoxha.

Fehmi cena – Edhe ne si grup i LDK-së e përkrahim propozimin e z. Fehmi Hoxha që këtyre bizneseve të i dilet në ndihmë, qoftë me heqjen e qirasë, qoftë me heqje të taksës komunale.

Ali Morina - Po ashtu edhe ne si grup i AAK-së jemi pro dy pikave të propozuara nga z. Fehmi Hoxha.

Kryesuesi – Të nderuar anëtar të kuvendit ju faleminderit për diskutimin e bërë, e vëmë në votim propozimin e z. Fehmi Hoxha: Konstatoj se në mënyrë unanime është aprovuar pika e dhjetë.

Kryesuesi – Faleminderit shumë kuvendarë të nderuar për kontributin e dhënë, shihemi në mbledhjen e radhës.

Mbledhja përfundoj në 11:00

01 Nr. 63/2020
Rahovec, 30.04.2020

Procesmbajtësi

Agim Hoti

